

SA regskenner kry hoë pos in VN-raad

Pretoria. – Prof. Christof Heyns, dekaan van die Universiteit van Pretoria se regs fakulteit, is pas in 'n internasionale pos aangestel waarmee hy sal help om gevalle te monitor waar mense sonder behoorlike regsprosesse tereggestel word.

Die Verenigde Nasies (VN) se raad vir menseregte het Heyns, 'n kenner in die veld van mense-regte, aangestel as spesiale rapporteur oor buiteregtelike, arbitrêre en summere teregstellings.

Deel van sy pligte sal wees om lande te besoek waar mense sonder behoorlike regsprosesse of verhore tereggestel word of op die punt is om tereggestel te word so-

dat die VN kan ingryp, het prof. Frans Viljoen van die universiteit se sentrum vir menseregte gesê.



Prof. Christof Heyns

Heyns word beskou as een van die voorste menseregtekenners wat al wyd gepubliseer het oor internasionale menseregtekwessies, veral in Afrika.

As rapporteur sal hy verslae aan die VN-raad voorlê en betrokke wees by die samestelling van dokumentasie vir dringende appêlle teen sulke vonnisse.

Dit is 'n deelydse pos met geen vergoeding nie, en hy sal ten volle onpartydig moet wees in die uitvoer van sy pligte. – **Antoinette Ple-naar**

